

**GOVERNMENT OF MIZORAM**  
**MIZORAM BUILDING & OTHER CONSTRUCTION WORKERS WELFARE BOARD**  
**(Labour, Employment, Skill Development & Entrepreneurship Department)**  
**Mizoram, Aizawl**

Dated Aizawl, the 25th October 2019

**HNATHAWKTUTE TANA HAMTHATNA**  
(5<sup>th</sup> Amendment)

No. A.3(2)/16-WB (LE&IT): Mizoram Building & Other Construction Workers Welfare Board hi 'Building & Other Construction Workers' (Regulation of Employment & Condition of Service) Act, 1996, tlawh chhana din a ni. Hemi hnuaiah hian Welfare Fund siam niin, chumi atâna member nih dan leh hlâwkna awm te chu hetiang hian a ni.

**Member nihdan:**

India khua leh tui diktak kum 18 – 60 inkar, kumkhat chhunga ni 90 tal inhlawhfate chu member an ni thei a, chungte chu a hnuaia tarlan ang hi a ni.

***Contractor emaw midang hnuaia heng hnathawk te:-*** Carpenter(Thing Mistiri, Mason (Lungrem Mistiri), Cement Mistiri, Painter (Rawnghnawih, Helper (Construction works), Electrician, Wireman, Fitter, Welder (Thir châr), Plumber, Iron & Aluminium Work, House interior designer, Thirchher, Thingzai, Balu la, Lung la (Quarry-a thawkte), Rora chhû, Kawng leh Lei laia inhlawh, JCB/Dozer Operator, Constructions Machine Operator te, Tripper Driver, Leirawhchan siam leh Chinai siama inhlawhfate a huam ang. Amaherawhchu, India ram State danga in register tawhte erawh a huam lo ang.

**Member nihna atana document thiltel ngai te:**

- 1) Voter I.D. Card xerox copy. ( Voter I.D. a Date of Birth lang lo te tan piankum lan chianna document dang thiltel bawk tur a ni.)
- 2) Family Ration Card attested xerox copy.
- 3) Bank Pass Book attested xerox copy.
- 4) Passport size photo 2 copies.
- 5) Local Council/Village Council hriatpuina.

**Membership Fee ngaizat:**

- 1) Registration Fee Rs.25/- a tira pek a ngai.
- 2) Thlatin membership tih nun nan Rs.10/- pek ziah a ngai a. Amaherawhchu, thlatin pe lovin kumkhat atân Rs.120/- pek lâwk theih a ni.
- 3) Membership Fee/Renewal Fee hi kumthum thleng pe lawk duh tan a pek lawk theih.

**Member tâna hamthatna awm thei te:-**

**1. Member Hmeichhia tân bik:**

Hmeichhia chu nau neih lawmpuina Rs.5,000/- (sangnga) pêk a ni ang a, member anih atanga fa pahnih a neih thleng a huam ang.

Nau neih atanga thlaruk (6 month) chhungin dil theih a ni ang.

**2. Pension pangngai leh ramtuileilo avanga Pension:-**

- 1) Member chu kum 60 a tlin hunah thlatin pension Rs. 1,000/-(Sangkhat) pêk a ni ang a, Kumtin April thla apiangin Life Certificate (a la dam ngei ani tih hriatna lehkha) an thehlut thin tur a ni. Amaherawhchu, Pension tur hian kumkhat tal member nih a ngai thung.

- 2) Member chu kum 60 a tlin hmaa hliam avang emaw natna khirh tak emaw avanga hnathawk thei tawh lo (Medical Board-in disability 40% a pêk chin) anih chuan thlatin Pension Rs.1,000/- (Sangkhat) pêk a ni ang a, a dinhmun a zirin Rs. 50,000/- (Singnga) thlenga tanpuina pêk theih a ni ang.
- 3) Member Pension la mek a boral chuan a aiah a nupui hnenah thlatin Pension lak mêk zahve(50%) pek chhunzawm theih a ni ang.

**3. Thihna chungchanga hamthatna awm theite:-**

- 1) Member hnathawhna hmuna chetsual avanga boralte chu Rs.3,00,000/- (nuaithum) thleng pek theih a ni a, an hnathawhna kaihnawih ni lo leh chhan dang avanga boral an nih chuan Rs.1,00,000/- (nuaikhat) pek theih a ni thung ang. Thlatin a Rs.10/- alo thawh tawh tlingkhawm kha pêk lêt leh a ni ang.
- 2) Member boralte chu a vuinaa senso tanpuina atan Rs.5,000/- (sangnga) pek theih a ni.
- 3) Member chuan a boral hmaa a chhungte tanpuina dawng tur mumal tak a siamsa loh chuan a hnuaia mi ang hian tanpuina chu pekchhuah mai tur a ni:
  - 1<sup>st</sup> A Nupui/Pasal
  - 2<sup>nd</sup> Kumtling lo a fapa/fanu
  - 3<sup>rd</sup> An fate nupui/pasal la nei lo (upa ber)
  - 4<sup>th</sup> Member boral ta nu leh pa In khata a chenpuite
  - 5<sup>th</sup> An fanu pasal then tawh/sûn tawh.
  - 6<sup>th</sup> A monu pasal sûn tawh/then tawh.

Member boral atanga thlaruk (6 month) chhungin dil tur a ni.

**4. Nupui/pasal neih chungchanga hlawkna awmte:-**

- 1) Member kumthum tal nitawh tan nupui emaw pasal a neihna hmasa berah Rs.5,000/- (sangnga) a lawmpuina pek theih a ni ang.
- 2) Member kumthum tal nitawh fate pahnih tan an nupui/pasal neihna hmasa berah Rs.5,000/- (sangnga) a lawmpuina pek theih a ni ang.  
Nupui/pasal inneih atanga thlaruk (6 month) chhungin dil tur a ni.

**5. Dam loh leh chetsual tawh palha hamthatna awmte:-**

- 1) Member chu chetsual avang emaw natna khirh tak tawk a, Damdawi Ina dah luh a nih chuan a luh ni atanga chhiarin nitin Rs.1,000/- (sangkhath) zel a dawng thei ang. Amaherawhchu, a dawn zawng zawng hian kumkhat chhungin Rs.50,000/- (singnga) a pel tur a ni lo.  
Damdawiin chhuah atanga thlaruk (6 month) chhungin dil tur a ni.

**6. Member fate tana hamthatna awm theite:-**

- 1) Member fate pahnih tan kumtin an lehkha zirna senso tanpui nan hetiang hian pek theih an ni:-
  - a) KG-I atanga HSLC (Class-X) chin tan pakhat zelah Rs.2000/- (sangnih).
  - b) Higher Secondary (Class XI & XII) tan pakhat zelah Rs.3,000/- (sangthum).
  - c) Graduate/Degree Course/Technical Course tan pakhat zelah Rs.4,000/- (sangli).
- 2) Member fate pahnih tan Board/University Examination viz HSLC, HSSLC leh Graduate/ Degree Course a State puma Top 10-a tling chinte chu pakhat Rs.50,000/- (singnga) a lawmpuina pek theih a ni ang.

Educational Assistance dil hun chhung hi kumtin April-December a ni ang a, kum khatah quarterly a sem chhuah (Account-a transfer) thin a ni ang.

1. April - June
2. July - September
3. October - December
4. January - March

**7. Hamthatna awm thei dangte:**

- 1) Member tan leh an chungkaw member tan thiamthil (Skill Development) chi hrang hrang zir theih a ni ang.
- 2) Member kum nga tal ni tawh, kum 45 la tling lo tan chenna In sakna tur Rs.1,00,000/- (nuaikhat) aia tam lo Loan 2% chauh pungin pek theih a ni.
- 3) Member kumthum tal nitawh, kum 55 la tling lo tan hnathawhna hmanraw lei nan Rs.30,000/- (singthum) aia tam lo Loan 2% chauh pungin pek theih a ni.



**(LALMALSAWMA)**

Secretary

Mizoram Building & Other Construction  
Workers Welfare Board